

eo, utpote Diœcesano, loci Stabulensis curam suscipiebat, ita etiam, quia Malmundarium Coloniensis Diœcesis erat, hujus loci curam ab Archiepiscopo Colonensi susciperet, eique subjectionem hac causa faceret. Hoc, inquam, Fridericus suis temporibus tentatum scribit: hoc ut ne deinceps tentetur, vetat prohibetque. Quod dum facit re ipsa demonstrat, Abbatem Stabulensem non esse exemptum, quippe cui Leodiensis Episcopus curam Stabulensis loci propria potestate & curam Malmundariensis potestate delegata impertiat. Marteni pudet me pigerque, qui ex quo fonte limpidissimas veri aquas haurio, cum ita turbet, ut ex eodem nonnisi maleolentes & turbidas falsi errorisque offas referat.

C A P U T V.

*Monasteriorum Malmundariensis & Stabulensis Genuina immunitas
evolvitur, & Marteni de exemptionibus Seculorum VII. &
VIII. systema evolvitur.*

 Ibaldo Abate Stabulensi argumenta, & tantum non verba sufficiente, suffragante S. Rota, atque ipsis Stabulensibus non dissidentibus, quam invitis quodammodo obtrudebat Martenus immunitatem plenam & illimitatam, negavi & confutavi. Verum modis suis non negavi omnem, non contendi, nulla fuisse unquam immunitate donatos. Interest aliquid inter Herculem & Sisyphum, inter Crœsum & Irum: neque qui Rex Magnus non est, est is illico Davus aut Syrus. Superat diploma Childerici Regis Stabulensi & Malmundariensi Monasteriis concessum, quo Monachis facultas sit libera Abbatis eligendi, caviturque, ne ecclesiastica ulla aut secularis potestas emolumenti quicquam ex eorum bonis sibi vendicet. Excerpsi illud Disceptatione I. Martenus totum edidit tomo II. Collectionis Ampliss. Cavit tamen sollicite, ne illius mentionem faceret suis in Vindicis. Quia enim in eo nulla Abbatum - Episcoporum, nulla decumanæ illius immunitatis mentio, intellexit hoc silentio suam jugulari sententiam.

Exilis est admodum & curta immunitas, quam hoc diplomate Childericus *Eius ab concessit* concedit. Quia tamen testatur, Monasteria nostra *ab antiquis juxta Pontificum Episcopis institutionem libertatis privilegio consistere*, suspicatus sum, majorem & extensorem fuisse illis Episcopali aliquo privilegio tributam. Scilicet, ita illorum temporum ferebat usus, Reges aut alii Fundatores juribus, quæ in monasteria a se condita, aut suis in regnis posita habebant, abdicantes, & immunitatem a se concessam ab Episcopis in Synodo confirmari curabant, & Diœcesanum rogabant Pontificem, uti ipse suis item, quoad disciplina Ecclesiastica pateretur, juribus renunciando, eam extenderet atque perficeret. Id ornamimenti obtinisse geminis cœnobiosis Stabulensi & Malmundariensi, ex Childerici verbis liquet, estque certum, fuisse olim hac super re Pontificium aliquod instrumentum in Synodo confectum. Id etsi ad nos aut injuria temporum, aut potius alio fato non pervenit, sum tamen arbitratus sciri posse, quid immunitatis, quam quantumque tribueret. Sunt cuivis seculo sui mores, ritus, consuetudines, suus, ut ita dicam, stylus, quem qui perspectum habuerit, potest is ex hac generali cognitione statuere, quid in particulari contigerit. Cum quis inter Equites, Comites aut Principes ab Imperatore relatus legitur, de ipso instrumento inspicio parum laboramus, quia scimus, quibus verbis, ritibusque nostra ætate haec dignitates conferantur. Ita etiam in privilegiis seculorum VII.

& VIII. usu venit. Marculfus corum nobis formulas a Baluzio in Capitularibus Regum Francorum & aliis alibi editas transmisit. His cognitis intelligitur, quid immunitatis nostris monasteris fuerit concessum ; continent enim immunitatem iis temporibus concedi solitam. Quando igitur de immunitate monasteriorum Stabulensis & Malmundariensis disputabam, atque istud potissimum laborabam, ut, ostendo non tuissc plenam & illimitatam, ostenderem quæ, quantaque, quibus finibus duobus primis sacerulis fuerit circumscripta, fuit mihi Marculfi privilegium prescribendum, atque ex eo immunitatis limites figendi.

*Fuit ea-
dem atque
immuni-
tas a
Marculfo
descripta.
Hec ex-
plicatur.*

*Synodus
Nicæna.
Can. 54.*

Id qua ratione præstiterum, est mihi paucis repetendum. Jura Episcopalia sunt trium generum. Primo quia, qui altari ministrat, illi de altari vivendum est, Episcopo de Parochiarum & Monasteriorum non exemptorum proventibus, iisque, quæ in Altario offerta fuissent, pars aliqua competebat. Hæc Episcoporum jura, ut ita dicam, utilia, quibus juxta Marculfianam formulam se abdicat Episcopus. Eo spectat etiam, quod ordines polliceatur sese gratis præbiturum *sobria* duntaxat & *simplici benedictione*, id est, mensa brevi & munda, sibi reservata, cum monasterium accesserit. Episcopaliū jurium classem alteram constituunt ea, quæ sunt Ordinis. Hæc sibi Episcopus sarta tecta & illibata servat. Classis tertia a jurisdictione est, eamque constituit non solum facultas aliqua, sed omnino obligatio attendendi & curandi, ut qui Diœceseos suæ limitibus comprehenduntur, si sive Laici sive Clerici fuerint, ex Christiana disciplinæ legibus vitam instituant. Patent hæc jura latissime : Inde enim est, ut alia mittam, quod Episcopi Abbates monasteriis & præfectos olim præponerent. His abdicat Diœcesanus electionis libertatem concedendo. Ad jurisdictionem etiam pertinet, quod ad monasteria frequenter accedere, ejusque *septa* & *secretæ* pro lubitu ingredi posset ; quia facultate ita abdicat, ut nisi ab *Abbate aut congregatione invitatus* ea uti velit. Denique jurisdictionis non est pars minima facultas onusque de subditorum moribus cognoscendi, tepidos & immorigeros corrigendi. Hanc facultatem Diœcesanus circumscribit, concedendo, ut si *Monachi de eorum religione tepli* fuerint *Abbas*, secundum regulam corrigat si prævalet ; sin autem, *Pontifex de ipsa civitate coercere debeat*. Atqui his rebus immunitas Marculfiana absolvitur. Ubi istud est diligenter attendendum, immunitatem a *juribus* Episcopi *utilibus* esse fere absolutam & plenam ; a necessitate & onere ordines ab Episcopo Diœcesano petendi & accipiendi, esse nullam ; ab ejusdem jurisdictione esse minimam. Nam electionis libertas est tantilla tamque exilis exemptio, ut hodie apud multos immunitatis nomine non veniat. Neque facultas Abbatii permisla cognoscendi, an *Monachi* juxta regulam vivant, & eos juxta regulam corrigendi existimam aliquam immunitatem constituit, cum patri cuivis familias perinde facultas competat de suorum moribus cognoscendi, & male feriatos corrigendi. Major est ea immunitas, quod Diœcesanus abdicet facultatem monasterium, quando lubuerit, ingrediendi. Sed tamen si omnia solite expendantur, his omnibus nihil omnino Episcopalis Jurisdictionis contrahitur. *Nam nihil de CANONICA AUCTORITATE convellitur, quidquid domesticis fidei pro quietim tranquillitatis tribuitur.* Sunt ipsa privilegii verba, quibus exempti monentur, se recitata ornamenta ab Episcopo hac una causa accipere, ut quietius & tranquillus Deo serviant ; de cetero AUCTORITATEM CANONICAM, id est jurisdictionem Episcopalem, nulla in re *convulsam* aut contractam, haud secus ante iis immovere, eamque in se distingendam, si concessa quietis gratia libertate abutantur.

*Martenus
vano mo-
limine re-
pugnat.*

Hæc ego cum pluribus Disceptatione prima disputabam, istud volebam, ut etiam ex Marculfi privilegio ostenderem, Monasteria nostra illa ætate, qua Mar-

Martenus Episcopos-Abbes in iis constituit, non habuisse immunitatem, quæ Episcopos-Abbes ferre posset; non habuisse enim immunitatem omnibus numeris absolutam. In hujus argumenti vi retundenda multus est. Privilégia & exemptionum chartas unde unde conquirit, ut ostendat seculis VII. & VIII. majorem, quam ego ex Marculfo contendo, immunitatem sèpius concedi solitam. Sed ego si lectorem attentum & partium studio vacuum nactus fuero, non vereor, ut mihi vadimonium deferendum sit. Marteniana momenta & consilia expendamus.

I. Demus ei, seculis VII. & VIII. maiores immunitates concessas ea, quam *Nisi non nunc ex Marculfo rescripsi*. Demus hoc. Quid tum, an inde consequitur, potius *Stabulensis* majorem monasteriis nostris concessam? minime gentium. Marculfiana immunitas, erat immunitas obvia, ordinaria, concedi solita; extabant enim illius *alia immunitate* formulæ. *Concessio Regis ad hujus immunitatis Privilegium, Emunitas Regia, Confirmatio de Emunitate*, quarum formulas idem Marculfus apud Baluzium *concedi quam Marculfiana* exhibet, ejusdem tenoris sunt. Nullius alius immunitatis in eo formula, nullum vestigium. Inde consequitur, hanc ea tempestate frequentatam, & usum receptam fuisse. Recte igitur a nobis est Stabulensis tributa; quia cum in re obscura queritur, quid factum sit, istud factum ponitur, quod fieri consuevit. Ad hæc cum aliunde esset ostensum, Stabulenses non fuisse ab Episcopi jurisdictione & auctoritate immunes, non poterat iis aliud privilegium, quam Marculfianum assignari. Nam erat illis aliquod assignandum, quod subjecti-*onem non tolleret*. Quare si Martenus evicisset fuisse aliqua, quæ immunitatem illimitatam tribuerent, ne simile aliquod Stabulensis tribueretur, veteratque eorum luce clarius demonstrata subiectio. Oleum proinde & operam perdit in astruendis Privilegiis Marculfiano majoribus. Ea recusat Stabulensem conditio.

II. Sribit, fateturque subinde Vindici arum pagina decima, citatam a *Quod ipse Roderico formulam Marcufi eodem sensu intelligendam esse*, quo prolata a se Privilégia. Id si ita est, sunt item hæc *eodem sensu intelligenda*, quo citata a Roderico densa formula Marcufi. Jam vero ostendit Rodericus, Marculfiana formula non tribuit immunitatem absolutam, jura Episcopalia in monasteria farta tecta per eam perstare. Igitur neque rescripta a Marteno Privilégia immunitatem plenam & absolutam tribuunt, igitur neque per ea *Canonica auctoritas convellitur*, aut jurisdictionis Episcopalis contrahitur. Igitur heterodoxum illud Privilégiorum examen cassio conatu adversus me in arenam producitur.

III. His ita observatis postem Marteniana privilegia negligere. Quia tamen dum verbis fatetur, esse eo sensu intelligenda, quo Marculfianum, re ipsa alio intelligit & interpretatur, quam recte id ab eo fiat, est paucis expendendum. Aliquis privilegiis statuitur, ut Episcopus Dicefanus *Altaria seu basilicas in monasterio rogatus ab Abbe pro Christi nomine consecret atque benedicat*. *Chrisma quoque seu sanctificationis oleum singulis annis præbeat*. Sed & si quem petierit *Abbas aut de Monachis, aut de Canonicis suis ad aliquem gradum Ecclesiasticum consecrandum, nullatenus contradicat*. Rescribit hæc verba Martenus; veritus autem, ne Dicefanus auctoritas inde adstruatur, quod ea, quæ sunt Ordinis ei reserventur, id, inquit, *non ut jus, sed tanquam onus illi impositum*. Ingeniosam, privilegiantque Oedipo dignam interpretationem! An igitur jus pascendi oves ab onere *um relin- sejungi* potest? Onus pascendi inde est, quod pastoris provinciam subeundo ea *qui Episc. omnia facere pollicear*, quæ pastoris officium requirit: *Jus autem pascendi inde que sunt Ordinis, est, quod oves meæ, cum me pastorem accipiunt, hoc ipso teneantur, a me recipere, quæ oves a pastore recipere oportet*. In Rege quovis est onus regendi

suos subditos , est item jus : nam neutrum ab altero secerni potest . In superiore Domus B. Germani de Pratis est onus Marteno & Durando de rebus necessariis providendi . Quid inde Martene efficies ? si tibi constare vis , negabis te illi subditum esse , nam inquires , non ut jus , sed tanquam onus est illi hoc impositum . Non erat necesse privilegia Pontificia rescribere , ut ostenderetur Episcopis hoc oneris incumbere , ut rogati monachis ea , quae sunt Ordinis , præbeant . Eorum hac in re conditio eadem est atque laici cujusvis . Tenetur enim Episcopus Laico cuivis , modo iis omnibus , quae Canones & Concilia postulant , instructus sit , ordines præbere ; haud secus ac Parochus quilibet tenetur Sacra menta parochianis suis ministrare . Quia igitur ex hoc onere , quod Parocho inhæret , mihi Sacra menta ministrandi consequitur , me ejus parochianum , me illi subditum esse & obnoxium , omnino ex onere , quod Episcopo incumbit Monachis , sua in Diœcesi positis Ordines præbendi , consequitur eos illi subditos & obnoxios esse . Apertiora etiam in recitatis verbis vidissimus , nisi ea truncare visum Marteno fuisset . Rescribamus , quæ supressit . Si quem petierit Abbas aut de Monachis , aut de Canonicis suis ad aliquem gradum Ecclesiasticum consecrandum , nullatenus contradicat . Quid hic subdit summus Pontifex ? quid omittit Martenus ? Nisi FORTE IS , PRO QUO PETITUR , INDIGNUS TALI HONORE VERITATIS TESTIMONIO DEPREHENDATUR . Poteratne quicquam apertius addi ad demonstrandani Episcopalem jurisdictionem ? Poteratne quicquam ad eam deprimendam aptius supprimi ? Episcopo Ambianensi incumbit Corbeiensibus Monachis ordines , cum petunt , præbere . Verum id ita incumbit , si dignos deprehenderit . Hac super recognoscit , ordinandorum mores , scientiam , ætatem , cetera , examinat . Est itaque recte a me assertum , Episcopo eam omnem jurisdictionem in Monachos servari & asseri , quam in quenvis suæ Diœceseos Laicum obtinet . Proinde quod Martenus afferebat tanquam potestatis Episcopalis circumscriptæ argumentum , est apertum illius confirmatae & vindicatae testimonium . Hoc privilegio concessio , poterat Benedictus III. sua facere verba Gregorii M. Epist . 39 . Lib . II . ad Dominicum Carthaginem : De Ecclesiasticis vero privilegiis , quod vestra fraternitas scribit , hoc postposita omni dubitatione teneat , quia sicut nostra defendimus , ita singulis quibusque Ecclesiis sua jura servamus .

*Abbatis
benedicti-
onem affe-
rit Episco-
po , qua cu-
ra anima-
rum tra-
ditur .*

IV. Idem Magnus Gregorius lib . IV . Epistola XLI . Luminoso Abbatii monasterii S. Thomæ de Arimino Privilegium concedens , id ita concedit , illa videlicet ei (Caftorio Episcopo Ariminensi) JURISDICTIONE relicta , ut in defuncti Abbatis locum alium , quem dignum communis consensus congregationis elegerit , debeat ORDINARE . Abbatis ordinandi sive benedicendi jus onusque jurisdictionem vocat Gregorius M. Adstipulatur ei Martenus multis ostendens , Episcopum , dum Abbatem benedit , spirituali illi jurisdictionem in suos tribuere , & curam ei animarum tradere , estque illi hoc tam certum , ut statuat , abusum esse , si Abbas , Benedictione non accepta , jurisdictionis in suos spiritualis aliquid sibi vendicit ; quippe , quia eam nondum ab Episcopo suo acceperit . Facultas hæc , hoc jus , Abbatii curam animarum Benedictionem ei impertiendo conferendi , quod jurium Episcopali partem non minimam constituit , illibatum item Episcopo Ambianensi relinquitur . Nam in laudatis Benedicti III. verbis , non dico de eo contracto aut sublato , sed omnino ejus nulla in illis mentio . In formula Marculfi statuitur , ut Benedictio sine pretio concedatur , quod eo quoque recidit . Sive enim gratis , sive munere aliquo in grati animi signum recepto præbeatur , constat Episcopo suo Abbatem benedicandi jurisdictionem , ut Gregorii M. sermone uti pergam , constat illi suum jus Abbatii curam animarum , & jurisdictionem in Monachos impertiendi . Restituto Benedicti privilegio videbamus ,

Epif.

Episcopo ab Abbatore rogato, Monachum in diaconum aut presbyterum confecrandum fuisse, nisi forte is, pro quo peteretur, indignus tali honore deprehenderetur. Eadem cautela Episcopo adhibenda erat, cum se se præbebat Abbatis benedicendi occasio. Adeo S. Benedictus capite 64. regulæ optat, rogatque, ut si congregatio indignum elegerit, adverteritque Episcopus, non modo prohibeat, sed etiam *dignum domui Dei Dispensatorem constituat*. Quod item rogat Abbates & laicos vicinos. Quanquam S. Benedicti precibus & votis parum opus erat; non poterant enim ignorare Episcopi, id sibi incumbere, ut curent, ne congregationibus religiosis indigni Pastores ordinentur. Hæc cum ita habeant, iterato Benedicti III. privilegium Corbeiense in Martenum retorquemus, vidimus enim Ambianensi Episcopo jura Episcopalia per illud immunita perstare, & proinde recte a Thomassino adhibitum, *ad demonstrandam Episcoporum etiam in monasteria aliquibus privilegiis honestata supereminenter jurisdictionem*.

V. Aliquis privilegiis Episcopi sibi ipsi facultatem admittunt monasterii *septa* *Quod sibi legem ali-*
& secreta, nisi ab Abbatore rogati fuerint, ingrediendi. Est hoc Marteno egregium *quando*
immunitatis specimen. Neque enim, inquit, ullam qualemcumque jurisdictionem *fecerunt*
in Monasteria habere dicendus est Episcopus, in quibus neque missas celebrare, *QUOD* *Episcopis*
civis PRESBYTERO PERMITTITUR, sed ne quidem in ea intrare, aut quasvis *ne pom-*
functiones invito Abbatore exercere permittitur. Præclare iterum & ingeniole! *pam Epis-*
Monachos ab Episcopi potestate absolvere vult, idque illi tam feliciter cedit, *copalem in*
ut eos civis presbytero obnoxios reddat. Quid enim? Jurisdictionem in Mo- *monaste-*
nasterium Episcopis negat a defectu facultatis in ea intrandi, & missas celebrandi. *rnis expli-*
*Itaque ubi hic defectus cessat, ubi adest hæc facultas, ibi est jurisdictione in Mo- *carent,**
nachos; atqui, ejus judicio, ea gaudet quilibet presbyter; igitur, Marteni ju-
dicio, monasteria cuilibet presbytero subdita sunt & obnoxia. Neque vero mi-
retur quisquam Martenum sete his inextricabilibus antilogiis involvere. Qui
sibi ipse oculos eruit, necesse est ubique præcepsum ruat, & in tenebris & luto vo-
lutetur. Quæ Martenus aut ignorat aut ignorari vellet, explicitur; crunt
tum omnia plana & aperta. Competebat Episcopis facultas ad quaslibet dice-
cceos suæ ecclesiæ, cum vellent accedendi, ibi cathedram ponendi, docendi,
ad aram publice faciendi, Sacraenta & ordines ministrandi. Hanc faculta-
tem jam inde a Gregorii M. temporibus cœpit contrahere prolixa Episcoporum
in Monachos voluntas. Ejus contrahendæ duæ fuerunt cause. Primo ne ple-
bis ad Episcoporum, ut assolet, solennes functiones frequentia & concursus Mo-
nachorum quieti obstreperet: secundo ne ex Episcopi adventu rebus monasterii
dispendii quicquam accederet. Erat enim istud usu receptum, ut Monachi di-
vertentes ad se Episcopos liberaliter acciperent. Verum cum Episcopi sibi ipsi
legem tulerunt ad aliqua monasteria, nisi rogarentur, non divertendi, quid inde
eorum Jurisdictioni decessit? An hoc facto facultatem sibi ademerunt de eorum
moribus cognoscendi? In hæreticos, in Schismaticos advertendi? Jejunia &
Supplicationes eis indicendi? Næ Martenus ex Monastica disciplina præclarum
monstrum effingit, cuius quieti consulere non possint Episcopi, nisi Monacho-
rum Patres, Pastores, Superiores esse desinant. Nonne & ipsi summi Pontifi-
ces attendebant, ne suo adventu in Romana monasteria monastica silentia in-
terpellarent. Quid igitur superest, nisi ut & Summi Pontificis nullam dicamus
fuisse in Romanos Monachos Jurisdictionem? Ceterum fucum incautis facere
conatur Martenus, cum ait, Episcopis non licuisse Missas in monasteriis exem-
tis celebrare. Quod ipse fatetur, licuit civis alii presbytero, an igitur Episco-
porum pejor fuit quam horum conditio? Cui homini fano id persuasum eat?

*Id sine ju-
risdictio-
nis dispen-
satio facili-*

Adductorum verborum interpretem egregie agit Nicolaus Papa in Privilegio Abbatissæ Vizeliacensi concesso ; ubi idem illi ornamentum largitus his verbis utitur : *Neque Episcopus civitatis ipsius parochiæ, nisi ab Abbatissa ipsius monasterii invitatus, PUBLICAS MISSAS agat, neque STATIONES in cœnobio eodem indicat, ne ancillarum Dei quies quoquomodo populari conventu valeat perturbari.* Ubi hic missarum in cœnobio celebrandi facultas Episcopo adempta ? Ubi alia, quæ Martenus garrit, abdicata ? Unum hoc abdicatur, unum hoc statuitur, quod quieti & otio monastico oppositum videtur. Est hic audiendus Gregorius M. Epistola ad Marinianum Episcopum Ravennatem, ex qua confitum est concilium Romanum Anni 601. & Nicolai I. decretum a Marteno tom. I. Coll. ampliss. pag. 152. repræsentatum. *Cum Episcoporum, inquit, adventus desideranter a monasteriis debeant expectari, quia tamen hospitandi occasione prædictum (Beatorum Joannis & Stephani) temporibus successoris vestri nobis fuisse nuntiatum est prægravatum, oportet ut hoc sanctitas vestra decenter debeat temperare, ut visitandi exhortandique gratia ad monasterium, quotiens placuerit ab ejusdem civitatis antistite accedatur.* Sed sic caritatis officium illic Episcopus impleat, ut gravamen aliquod monasterium non incurrat. Sed potestne sibi quis temperare, ne proprius acedat, examenque improbum in illa castiget trutina ? Antiqui cœnobitæ in gratia reposuerunt, si Episcopi jure suo abrenunciantes in eorum ecclesiis Episcopalem pompam non explicarent : nunc, si id honoris conceditur, in gratia reponunt, atque cœnobii annalibus trahalibus inscribunt apicibus auro & minio incrustatis. Nunc ipsi Episcopalia ad se trahunt ornamenta, atque ad aras Episcopos agunt, tam veriti ne frequens desit spectator, quam verebantur Majores, ne adesset aliquis. Cathedram Episcopalem antiqui, ne populi concursu quies sacra turbaretur, suis ex ædibus procul exesse cupiebant, nunc ipsi eam ibi sibi erigunt ; quin & Dionysianis atque Turonensisbus seculo octavo erigeret Martenus, ni eorum quieti disciplinæque monasticæ, pro eo ac debo, consilens, illam sacris his solitudinibus proturbasset. Sed audiamus porro ut sibi Martenus constet.

Benedicti III. privilegium castrense Marteno favet.

VI. Sunt etiam Privilegia, quibus statuitur, ne Episcopi quicquam potestatis in aliquem de fratribus obtineant, nec per Episcopalem fastum aliquid illis in eos liceat . . . nec Episcopale ministerium aliquid ditionis super eos obtineat. . . . utque Abbas dispensationis suæ ministerium exercere valeat digne, nullius debeat perturbari potestate subjectus ; sed ab omni liber dominatione, Christum tantummodo Judicem sustineat. Hoc habitu incessisse Privilegium Benedicti III. Papæ, quo confirmat Bretefrii Episcopi Ambianensis privilegium in solemnni Gallicanorum præfulum concilio concessum, Marteno affirmanti tantisper credamus. *Quid igitur, inquit, supereminenti Episcoporum jurisdictioni remanet ? Nihil omnino.* Nihil ? Turpe & miserabile ! sed tamen illustre confortium doloris sensum adimet Episcopis ; in eadem atque Romanus Pontifex condemnatione positi sunt. Abbates & Monachi NULLIUS debent perturbari potestate subjecti. NULLIUS inquam. Plana sunt, hæc & aperta. Neque obscura sunt, quæ sequuntur : Abbas ab OMNI liber dominatione, Christum tantummodo Judicem sustineat. *Ab omni liber dominatione* Itaque nec summo Pontifici, nec ipsi Ecclesiæ subditus est. Quid igitur miramur, nullam Episcoporum esse in Monachos jurisdictionem, in quos nulla sit nec Romani Pontificis, nec Ecclesiæ ipsius Jurisdictionis ? qui, præter Christum, Judicem neminem habeant ? An ergo privilegium hoc spurium dico, quod hæc paradoxa dogmata Ecclesiæ invehit, atque disciplinam & Hierarchiam Ecclesiasticam funditus eversurum videtur ? Erunt, qui id a me expectent, atque illud jam in factuum suppositiorum ergastulum relegarint. Sed aliter ego de eo scriptio.

tio. Non ea vetat, non ea statuit, quæ prima facie vetare aut statuere videtur. Arbitraris hic agi de jurisdictione Episcopali, sed arbitraris falso : alia omnia verbis recitatis subfunt.

Retegatur Marteni mala fides, rescribatur fideliter Benedicti III. privilegium, erunt omnia plana & aperta. Ita autem in Labbei conciliis Benedictus statuit : *Episcopus Ambianensis nec in Abbatem, nec in aliquem de fratribus quicquam postatis obtineat, nec per Episcopalem fastum aliquid in eos presumat, VERUM ABBAS SECUNDUM REGULAM S. BENEDICTI LIBERAM MONASTERII SUI HABEAT POSTATEM, ET MONACHI AD EJUS TANQUAM AD PASTORIS SUI SOLUMmodo RESPICANT GUBERNATIONEM.* Cur hæc a Marteno omissa sunt ? scilicet quia ex iis manifestum est, agi hic tantum de *regimine interiori*; hoc solum caveri, ne illi immisceat se Episcopus : quia manifestum est, Episcopalem jurisdictionem his verbis tam parum accidi, quam parum per Regulam D. Benedicti acceditur, ad quam summus Pontifex provocat. Pessimam causam tuetur Martenus, qui nisi genuinas bullas castrando, eam propugnarè non sustineat. Videamus porro, ut sibi constet Vir candidissimus. *Nec Episcopale ministerium aliquid Nam fiditionis super eos obtineat; QUONIAM, supplemus, quæ Vindex suppressit, cum lumenmodò Abbas vices Christi in monasterio creditur agere, potestatis officium regimen super creditas sibi oves habere dignoscitur, utque dispensationis sue ministerium exercere prævaleat digne, nullius perturbari debet potestate subjectus; sed ab omni liber dominatione Christum tantummodo judicem sustineat.* Cujus potestatis officium super creditas oves habere dignoscitur Abbas ? non Regiae, non Pontificie, non Episcopalis. Igitur Abbatialis. Hæc ei intemerata servatur ; hac in potestate, in *regimine, inquam, interiori, in disciplina secundum regulam alterius cuiusvis dominatio excluditur.* Patres de Lirinensis monasterii immunitate in synodo Arelatensi anni circiter 450. cognoscentes statuunt : *Monasterii omnis laica multitudo ad curam Abbatis pertineat..... Hoc enim & rationis & religionis plenum est, ut.... laica omnis monasterii congregatio ad solam ac liberam Abbatis proprii, quem sibi ipsa elegerit, ordinationem dispensationemque pertineat; regula, que a fundatore ipsius monasterii dudum constituta est, in omnibus custodita.* Lai-corum nomine Monachos venire, vera est Mabillonii observatio. Et hos in iis, quæ regulam spectant, in unius Abbatis potestate esse debere, *rationis & religionis plenum* videtur Arelatensibus Patribus. Ita passim regularum conditores senerunt ; ita plerique Patres, ita sentit Benedictus III. ita statuit. *A regimine interiori, a disciplina secundum regulam, ex S. Benedicti mente & votis, excludit Episcopum Ambianensem.* Hæc autem quid ad institutum præsens faciunt ? Evolvatur tota Benedicti III. bulla ; expendatur Bretefridi, quod per illam confirmatur, privilegium. Episcopus Ambianensis ordinum conferendorum facultatem, de ordinandorum moribus & scientia cognitionem, Abbatis ordinati-onem sibi reservat : nihil eorum, quibus Episcopalis jurisdictione absolvitur, abdicat. Adeo quidquid Monachis immunitatis concedit, id ita præstat, ut hoc facto *auctoritatem canoniam*, id est jurisdictionem Episcopalem, *convelli nolit.* Neque E. Atqui Philippus Labbeus observat hoc privilegium, ut ovum ovo, esse privilegio pscopus Marculfiano simile. quod verissimum est. Vidimus autem, Marculfiana bonorum immunitate non infringi jura Episcopalia. Vidimus igitur Martenum & mala monastico-fide & malis artibus in illa grassari.

VII. Præter regiminis interioris *dominationem* observabamus supra secundum Margulfi formulam abdicasse quoque Episcopos rerum temporalium administratione & ministrorum electione. Ita Bertrandus in suo privilegio pro Cor-beiensibus, *decrevimus, ut quacunque predicto monasterio vel Monachis regio munere, abdicat.*

nere, seu a quibuslibet Christianis in agris, mancipiis, vineis, sylvis, auro, argento, vel vestibus, vel quibuslibet speciebus collata, aut deinceps conferenda sunt, vita nostrae temporibus, seu successorum nostrorum nec ego nec ullus sibi Pontifex, aut aliquis ex ordine Clericorum Ambianensis Ecclesiae suis usibus usurpare aut minorare, aut ad civitatem alias species deferre presumat; sed sub omni libertate vel emunitate saepe dictum monasterium vel Monachi ibidem consistentes possideant. Mox stabilitas Episcopi juribus circa ea, quae Ordinis sunt, prosequitur: Neque ulla alia potestate in ipso monasterio utatur Episcopus, ut diximus, neque in monasterio, seu in rebus aut ornamenti ipsius neque in personis..... Nec Episcopus nec Archidiaconus, aut quelibet alia persona, Ordinator Ecclesiae Ambianensis quocunque de eodem monasterio, sicut de reliquis parochiis usurpare aut commutare, aut alias res auferre vel species, que ad ipsum monasterium sunt collatae, deferre ad civitatem audeat. Similia legas in formula V. apud Marculfum, apud Gregorium M. Lib. VI. Epist. XII. ad Respectam Abbatissam, item in Epistolis ad Marinianum Ravennatum, & Castorium Ariminensem, in privilegiis, quibus initia Bullarii Cassiensis scatent, atque passim alibi. Similia profert quoque Martenus, ut ostendat, *Archidiacono interdictam rerum temporalium curam & electionem ministrorum sacrorum.* Hæc vero & ultro concedimus. Neque enim Episcopalis jurisdictio in Monachos evanescit, quod fas non sit Episcopo res monasterii temporales gubernare, ministros & officiales amovere & promovere, rerum & personarum monasticarum herum & dominum esse. Nemini Episcopo competit facultas res laicorum gubernandi, villicos eorum in villis instituendi aut removendi. Quis autem hac causa dicat, circumscripta esse Episcoporum in laicos jura? Neque alio sensu explicandum venit productum a Marteno Caroli M. diploma pro Salonenſi in Diœcesi Metensi monasterio. Decernitur in eo, ut neque Angelramnus Episcopus Metensis, neque Archidiaconus, neque missus Ecclesia Mediomaticus ibi in ipso cœnobio PONTIFICIUM habere non debeant, nisi si Abbas S. Dionysii expeterit ordinationes faciendi, chrismetandi, & tabulas benedicendi. Una vox Pontificium imperitis difficultatem ingerere potest. Quare quid significet ex charta Clodovei III. videndum. Nam, inquit, nullum pontificium a nobis neque a successoribus nostris in eodem monasterio pro causa cupiditatis, aut, quod absit, avaritiae habeatur, sed proprio in Dei nomine fruantur privilegio. Ex his intelligimus Pontificium idem esse ac Jus utile, & ab Angelramno istud Salonenſi monasterio datum, ut ab eo nihil utilitatis perciperet, nisi cum ordinum gratia eo evocatus fuerit. Patet vero id maxime ex ipso Caroli instrumento, in quo dicitur Privilgium Angelramni constitutum *de rebus proprietatis* Fulradi Abbatis. Hac causa prohibet Carolus, ut de ipsis nemo contingat quicquam, sed sub tutione Regis eadem immunitate, atque cetera prædia Dionysiana persistant. Potuisset itaque & ab hac charta producenda supersedere Martenus. Sed homini ad incitas redacto est istud dandum, ut impune ex quovis ligno sibi faciat Mercurium. Ad ea quæ superant, pergamus.

*Cum Ab-
tum &
Monacho-
rum dissi-
dia per a-
lios Abba-
tes sopri-
vuli, suas
bis vices
delegat.*

VIII. Episcopi rati se in Monachis Viros habere Evangelii legibus & canonibus, multo quam vulgo solet addictiores, fecerunt eis facultatem juxta conditas a se aut acceptas leges vitam instituendi, Abbatibus ex regulæ præscripto Monachos regendi, flectendi, corrigendi. Quod si Monachorum pertinacia Abbatum solitudinem vinceret, curaturos se, ne disciplina Christiana quid detrimenti acciperet. Huic rei argumento est & Marcolfi formula, & illi consonum Bretefridi privilegium pro Corbeiensibus & alia multa. Numerianus Trevirensis Episcopus majoribus argumentis, quam de Monachorum obedientia, moderatione, atque parendi prolixitate spem conceperat, explicavit.

Facul-

*Dacheri
Tom. X.
Spicileg.*

Facultatem fecit Monachis vallis Galilææ, ut si talis inter Abbatem, & eos dissensio murmurque consurgeret, qualis minime ab eodem Abbatibidem sedari posset, tunc alii Abbates, qui hujusmodi regulam teneant, convenient in ipso monasterio, scandalumque deprimant sententia regulari. Quo factō dubium non est, quin Galilæis Monachis ornamentum concesserit, cui ex condigno compensando pares non essent. Quæ enim non debebatur reverentia Episcopo, quæ submissio, quæ gratitudo, qui eorum dissensiones & lites nollet in curiam evocari, atque eo evocando vulgatam de Monachis famam bonam corumque nomen traduci? Verum eonefacto Episcopalia in eos jura abdicavit: Ait Martenus: Igitur accephalos effecit, nam neque in summum Pontificem, neque in alium jus suum, potestatemque transfudit. Sed Martenus in ipsa nube Junonem amplectitur & deosculatur. Sunt nostra ætate multa in Europa monasteria, quorum controversiae domesticæ Abbatum aut Præsidum congregationis sententia definiuntur, quin hac causa ab Episcopi se legibus & jurisdictione absoluta credant. Huic consuetudini initium fecit Numerianus. Facultatem de monachorum & Abbatis dissidiis cognoscendi aliis ejusdem instituti Abbatibus delegavit. Hi vero si ea componere non possent, tum tandem ad ejus tribunal revocanda erant: nam ut privilegiorum ejus ævi verbis utar, *nihil de Canonica auctoritate convellitur, si quid Monachis pro quiete tranquillitatis conceditur.* Aut ut Gregorii M. ex genuina ad Marinianum Epistola & spurio concilio anni 601. adoptem, Epis. copos in Monachos & Abbates advertere non oportet, *nisi forte extantibus, quod absit criminibus, quæ sacri canones punire monstrantur.* Est vero hoc ita manifestum, ut pluribus inculcari non debeat. Sed sunt iterum ipsa privilegii verba, quia in iis error, rescribenda. Calmetus in probat. Loth. Hist. repræsentat illud post Mabillonum. Ita apud eos habet: *Et si, quod absit, talis inter Abbatem & Monachos dissensio aliqua, & murmur consurgere videatur, qualis minime ab eodem Abbatibidem sedari posset, tunc, missus Episcopus eorum ad alios Abbates, qui hujusmodi regulam teneant, convenient in ipso monasterio, scandalumque deprimant sententia regulari.* Omnino rescribentis incuria hic errori locum fecit. Quid enim haec sibi volunt? *Tunc missus Episcopus eorum ad alios Abbates.* Nec barbara, nec latina sunt. Ea cuivis est integrum pro arbitrio refigere: ego ita legendum puto: *Tunc mittens Episcopus eorum (id est Dioceſanus) ad alios Abbates &c.* Nisi forte haec lectio placeat: *Tunc missus, id est, sermone antiquo, Legatus, Episcopi, convocans alios Abbates &c.* Ut ut sit, sunt etiam haec frustra adducta a Marteno ad Episcoporum jura infringenda, atque unum hoc præstant, ut argumento sint, eos juribus suis clementer & comiter usos, cum de Monachorum dissidiis aliquando cognoscere noluerint, nisi per ejusdem instituti viros: atque cum hi nihil proficerent, tum demum quodammodo invitatos causam ad se revocasse.

IX. Ex argumentis, quæ tanto strepitu in aciem eduxit immunitatum hyperaspita, unum superat. Sed, si quidem ei fidem habemus, decretorium illud. *Si Monachis opportunum fuerit Ecclesiam benedicendam, & sacros ordines percipiendos, a quocunque Pontifice decreverint, licentiam habeant expetendi.* Hæc ex privilegio, quod Numerianus Trevirensis, annuentibus comprovincialibus Episcopis Childulpho, Gisloaldo & Eborino, concessisse dicitur Deodato Abbat Vallis Galilææ. Id vero, inquit Adversarius, *vel ipso fatente Roderico integrum libertatem complectitur.* Verum, ut inde initium faciam, neque id fatetur, neque faslus est Rodericus, neque fateri potest. Nam primo, quia de Benedictione Abbatis nulla hic mentio, inde consequens est, Episcopum ea non abdicare. Vidimus autem supra, Marteno ipso argumenta sufficiente, non

Epistol.
lib. VII.
num. 18.

Annal.
tom. I. in
Append.

Idem facit
cum per-
mittit, ne
Monach.
ab aliis Ea
piscopis
ordines
petant.

minimam jurisdictionis Episcopalis partem hanc esse, quod Episcopus benedicendo Abbatem curam ei animarum jurisdictionemque in suos spiritualem tribuat. Deinde communicabit Episcopus Diaecesanus cum Provincialibus suis ius Galilaei Monachis ordinibus præbendi; Provinciales annuendo onus præbendi in se suscepint; qui non annuerant, reliquarum scilicet provincialium Episcopi, iis hoc onus non incumbebat. Quare Galilæi hoc unum privilegii vigore consequerantur, ut ad quem libuisset Provinciae Trevirensis Episcopum Ordinum causa adirent. Neque haec non est nulla immunitas: sed est ne illimitata? Extinguitne jura omnia Episcopalia? Sane non permit in Episcopo jus & obligationem de Galilæorum moribus cognoscendi, docendi, pascendi: Si privilegio concessio abuterentur, corripiendi; si ejus obtentu, cum Marteno, in Episcopalia jura grassarentur, illud revocandi antiquandi: concessis immunitatibus eos exuendi. Denique quis concedit Privilegium? Numerianus Archiepiscopus & Metropolita Trevirensis, cuius in diaecesi ponamus, positum fuisse monasterium. Transfundit in Suffraganeos facultatem præbendi ea, quæ sunt ordinis: annuunt, consentiunt. Verum cum in Archiepiscopi sui auctoritate & potestate sint, extra eam non fuerunt Galilæi, quippe quoad ea, quæ sunt Ordinis, ab iis pendentes, qui ipsi ab antistite Trevirensi tanquam Metropolira & Archiepiscopo proprio pendent: ab iis pendentes, a quibus, si abuterentur hanc facultatem repetere, & posset & deberet Metropolita. Sequioribus sacerulis, cum rerum summæ conversiones Sacerdotium & Imperium agitarent, fatemur a summis Pontificibus aliqua monasteria Ecclesiæ Romanæ sine medio fuisse subjecta, & iis facultatem factam ordines a quo visum fuisse Episcopo petendi. Hanc facultatem cum fecerunt summi Pontifices, an absolverunt illa monasteria a jurisdictione sua? An Episcopos ordinis præbituros monasteriorum illorum Diaecesanos constituerunt? Ne aquam, causam ipse suppeditat Martenus: *Non ut Diaecesani, inquit, sed ut delegati a summo Pontifice agebant.* Nostra faciamus haec verba. Comvinciales Diaecesani Episcopi Galilæorum, *non ut Diaecesani, sed ut delegati a Diaecesano Galilæorum agebant.* Quare quemadmodum, ipso Marteno docente, Romano Pontifici sua in exemptos constabat petesta, et si vices suas aliis delegasset; ita sua constabant Galilæorum Diaecesano jura, et si vices suas Provincialibus delegasset Episcopis. Ponamus nunc, Galilæorum cœnobitarum Episcopum Diaecesanum non fuisse Archiepiscopum; constabit sibi perinde mea arguendi ratio. Hoc posito potuisset quidem Diaecesanus selecto a Monachis Episcopo facultatem facere illis *vice sua* ordines impertiendi; sed quia ille æqualis aut superior esset, non potuisset imponere necessitatem impertiendi. Quod si tamen uti concessa facultate visum fuisse, non Diaecesanum, sed *Diaecesani vices* egisset. Stetisset itaque & hoc in casu Diaecesani jurisdictione illibata: cuius enim vices aguntur, illius esse jurisdictionem & potestatem in confessu est.

*Martenus
privilegiis
corruptis
& spuriis
pugnat.*

X. Præter haec privilegia quatuor alia in arenam collocat Martenus, quibus, quod superioribus inani conatu tentatum vidimus, certior efficiat. Primum Stephani III. pro Diaecesani, secundum ejusdem summi Pontificis pro Nonantulensis, tertium Johannis IV. pro monasterio S. Salabergæ, & quartum ejusdem Johannis pro Luxoviensi. Plura superiori sœculo immunitatum monasticarum patroni jactitabant. Ex bullario Casinensi, tanquam ex equo Trojano, solida legio petebatur: Medardinum sufficiebant Epistolæ Gregorii M. Figiacense Stephani III. Acherius, Elnonense acta Antuerpiensia alia alii hujus furfuris innumera. quibus Bernardus testatur, multos suo tempore, non dico immu-

Vind.
pag. 10.

immunitates illas abnormes propugnasse, sed plane ad eas grassatos esse. Numen eorum numerus, cum magnorum Criticorum censura, tum prudenti PP. BB. silentio tantopere est imminutus, ut in iis quatuor omnino repererit Martenus, quæ produci posse arbitratus sit. Sed ne hæc quidem ea sunt, quæ locum habere debeant, ubi de immunitatibus serio disceptatur. Id vero paucis est ostendendum.

Dionysianum Stephano tertio adscriptum & imprudenter ostentatur, quippe quod illud evertat, quo Monachis Dionysianis proprius Episcopus concessus dicitur, & iisdem, quo hoc, argumentis suppositionis manifesto convincitur. Nonantulensi nihil inde ponderis accedit, quod haetenus fucum fecerit multis, atque ipsis Alexandro Natali & Pagio probetur. Praescriptionis adversus veritatem nulla sunt jura. Anselmus Nonantulensis Abbas legitur in eo a summo Pontifice *consecratus*, & cuculla induitus secundum regulam S. Benedicti? Ubi in Nonantu S. Benedicti regula legas Abbatem cuculla cum in Abbatem benedicitur induendum? Ubi Abbatem benedicendum esse? legimus quidem capite 65. fuisse aliquibus in locis moris, cum Benedictus regulam conderet, ut Abbas & Praepositus ab Episcopo benedicentur; ne Praepositus benedicatur, statuit; an autem Abbates, instituti a se adornati a secllas, benedici velit, neque ipse dicit, neque Smaragdus, Boërius, Anonymus acri vir judicio, qui in bibliothecis S. Martini Coloniae & S. Laurentii Leodii Ms. extat, Martenoque in commentariis est illaudatus, neque Martenus ipse in hoc caput indicant. Decimorum & decimationum fit hoc in privilegio semel & iterum mentio; triginta scilicet annis antequam carum usum in Ecclesiam invexislet Carolus M. Sed infinitus sim, si hujus modi stigmata omnia recensem: finem & initium tantummodo spectemus. Ibi Stephani tertii annos videas, contra Constantini Imperatoris annos requiras. utrumque præter ætatis, præter Stephani morem. Hic & nullius & sequiorum seculorum formulas: *Stephanus servus servorum Dei* S. R. E. APOSTOLICUS. Est hoc nullius seculi, nullius summi Pontificis. Posteriorum sunt sequentia: *Anselmo religioso Abbativenerabilis monasterii sancti Silvestri siti Nonantula, territorio Mutinense, ET PER TE IN EODEM MONASTERIO IN PERPETUUM.* Johannis Papæ IV. bullæ prima, quantæ vero ea sit auctoritatis hoc in studio, quæ cui concessa sit, nequidem scitur? Nam quod S. Salabergæ monasterio concessam dicit Martenus, hariolantis est. Nulla hujus monasterii in illa mentio, vestigium nullum, nullum in historia indicium illi concessam fuisse. At eruit ex codice Thuaneo ante octingentos annos exarato Mabillonius. Reverendos canos cernuus adoro. Sed tamen dudum observatum est ab Oudino, PP. BB. tæpiuscule fuisse justo liberaliores in codicum ætate computanda. Porcheronius anonymum Ravennatem Ms. septimo seculo adscribit, quem nunc post undecimum scriptum constat. Ne crabones irriteam, chartas a Germonio notatas prætero; chartam vero Plenaria securitatis aliquot, quam esset, secula antiquiore Mabillonio visam, non diffitetur ipse in Supplemento. De Marteno quid dicam? edidit specimen Triumphi S. Remacli & Vitæ S. Popponis Ms. codicum eadem manu exaratorum; eosque temporibus Henrici III. Imperatoris ex characterum habitu scriptos contendit. Verum lynceo oculo examinentur. Diphthongus Æ per simplex E scribitur, conjunctio ET per notam Zifrae nostræ 7. similem effingitur. Hoc observato, consulatur decima quarta apud Mabillonum tabula, quæ Henrici III. Imperatoris ætati respondet. In diversis, quæ continet, speciminibus nihil simile. Seculis sequentibus invaluisse hæc scriptio compendia, sequentes tabulæ docent. Tam est lubricum & aleæ plenum ex scripturæ forma de codicum anti-

*Principia
Martini
Privilegia
sunt spu-
ria; Dio-
nysianni.*

*Johannis
Papa IV.
bullæ sunt
item spu-
ria.*

quitate statuere. Non est igitur, quod a Codicis Thuanei canicie Johannis IV. bullæ robur petatur ; cum a canis non sit certum ad ætatis senectam argumentum. Ad hæc cum in hac tum in Luxoviensi bulla loquendi colores sunt, quos Romanum solum ignorabat : *Nec enim nova postulantum vel indulgentium est auctoritas privilegii largiendi, dum profecto cuncti retro..... Rogitus vero Episcopus ipsius civitatis..... Domestici fidei.* Hæc sartago loquendi nunquam Ausoniæ, nunquam Pontificiam linguam infecit. Obtinebat ea apud populos Francorum sceptræ reveritos. Justo liberalior videar, si Luxoviensem bullam hoc uno obelo configam. Itud saltem agamus, ut unde educta sit, inquiramus. Primus edidit Mabillonius. *Ejus fragmentum invenit in CHARTACEO codice, Dervensis cœnobii*, quod his in verbis abrumpitur : *habeat facultatem in ipsum monasterium ingreditantum.* Porro cetera, inquit Mabillonius, *supplevimus ex Pontificiis diplomatis subsequentium Pontificum, qui iisdem pene verbis superiorum Pontificum, adeoque Johannis IV. privilegia confirmarunt.* En privilegii Luxoviensis incunabula ! Caput suppeditat *codex chartaceus*, proinde recentior; ventrem & syrma sufficiunt diploma unum seculi X. alterum seculi sequentis. *Specatum admissi.....* Quanquam enim Benedictus VIII. & Leo IX. prædecessorum suorum diplomata confirmant, attamen ut sciatur, an totidem verbis confirmant, deberent confirmata privilegia cum confirmatoris comparari. Ea autem non superare, fatebitur Mabillonius. Luxoviensium quidem immunitatum, quod recte advertit, meminit Marculfus, sed ita meminit, ut, qui ævi stylum noverit, intelligat, eas concessas esse ab Episcopo diocesano & comprovincia libus, non item ab Episcopo Romano. *Ab antiquitus, ita fert formula, juxta constitutionem Pontificum per regalem sanctionem monasteria sanctorum Lirinensis, Agaunensis, Luxoviensis..... sub libertatis privilegium videntur consistere.* Pontificum nomine venire Galliarum Episcopos, & regalis, quæ adjicitur, *sanc*tio**, & hæc ipsa formula, & aliae illorum temporum chartæ docent. De Romano cum erat sermo, unde id liqueret, addebatur aliquid. Quare ex hac formula non debebat arguere Mabillonius, Pontifices Romanos ante seculum septimum aliquod privilegium Luxoviensibus concessisse. Immo oppositum debebat arguere, quia in ea solummodo mentio privilegiorum ab Episcopis Galliarum concessorum. Sed tamen fuerint Luxoviensibus seculo sexto, aut etiam antea a Pontificibus Romanis concessæ aliquæ immunitates. Nonne immunitates monasticæ omnes, modico e capite initio scaturientes, fluviorum instar, longitudine temporis ita alveum extenderunt, ut cum Episcopalibus maribus subinde contendere non dubitarint ? Erant eæ contractiores seculo sexto, quam seculis decimo & undecimo. Quare per horum seculorum privilegia, etiæ superiorum confirmatoria, non possunt refici privilegia seculi sexti. Accedebat semper his, ex temporum consuetudine, aliquid, quod in illis non erat. Luxoviense Privilegium, ut est a Mabillonio refectum, tam primi & genuini arbitror esse simile, quam Babilonica turris, a Kirchero ædificata, aut templum Salomonis, a Villalpando aut Adricomio in chartis instauratum, celebria illa ædicia fideliter repræsentant. Hæc de Luxoviensi Johannis, ut jactabant, quarti Papæ privilegio. De alio, eidem etiam Johanni adscripto superioribusque omnino *consimili*, eoque Habendensi monasterio concessio, fatetur Mabillonius esse illud interpolatum. Probabilius ei videtur aliud ejusdem privilegii exemplum : in quo nihilominus *mendum* quoque reperit. Advertisit denique in eodem chartario, unde hoc diploma hausit, esse Henrici IV. Imperatoris instrumentum, in quo S. Romaricus legitur *Habendense monasterium Romanæ libertati & regali defensioni subjecisse.* Verum, inquit Mabillonius, illud mibi valde

valde suspectum est. Exhibit quoque Calmetus laudatam Joannis IV. bullam pro Habendensi monasterio ejusque adeo duo exempla rescribit in appendice ad tom. I. Historiae Lotharingicæ. Sed ita exhibit & excerpit, ut earum suppositio cuivis indubitate esse debeat. *Fertur*, inquit, *Johannes Papa quartus* Habendenses immunitatibus donasse. *Fertur*, dicitur. An vero, cum de Privilegii alicujus sinceritate agitur, in Scriptore Benedictino hæsitatio non idem præstat, quod in alio scriptore aperta condemnatio? Neque hæsitat solummodo corruptionis & alterationis palam laudatas bullas arguit. Clotarii fieri in uno exemplo mentionem, bullam plumbeam e membranæ fiscella pendere, Leonis IX. compendiis literariis subscriptam alteram, observat. Hæc vero totidem esse corruptionis & alterationis indicia, sine dubitatione pronunciat Scriptor Benedictinus.

Epist. lib.

I I. ep. 3.

Quibus autem de causis Calmeto & Mabillonio corruptæ, mendosæ & interpolatae sunt hæc bullæ? Quia in iis aliqua, quæ historiæ & ævi moribus repugnant. In quatuor privilegiis a Marteno adductis non aliqua, sed multa sunt, quæ eadem lue laborent. An vero hæc vasa quafla, refixos clavos, dimidiatas strigiles, an, inquam, hæc scruta scita in medium afferri, cum de imminunitatibus ecclesiasticis, de Episcopalibus juribus, de disciplina ecclesiastica, de rebus maximi momenti disceptatur? Cur hic non dicamus cum Gregorio M. *Si authenticam chartulam non videmus aut exemplaria, nil possumus facere?* Chartæ Regiæ autographæ seculorum VII. & VIII. superant innumeræ. Unus Mabillo- Concil. nius sexcentas eruit, earumque specimina ari incidi curavit. Quo fato factum Barcinon. est, ut ne una quidem *immunitatis plenariae* charta autographa ad nos perve- a. 540. A- nerit? ut ne una quidem sana & integra, sine macula & nævo exhibeat? Istud relat. V. c. saltem nobis immunitatum hyperaspistæ dent, ut fragmentis, quæ producunt, 2. 3. 5. auctoritatem accersant ex illorum temporum historia, conciliis, capitularibus. Aurelian. Sed est istud dudum petitus; haec tenus nemo præsttit; contra innumeri pro- 1. c. 9. & ducti cum conciliorum canones, cum Patrum effata, tum Regum capitularia, 1. c. 2. quibus repetitur & inculcatur Chalcedonensis concilii canon hic, nemini non notus: *Qui vere & sincere singularem sectantur vitam, competenter honorentur: quoniam vero quidam utentes habitu Monachi, Ecclesiastica negotia, civilitaque con-* capitula- *turbant. placuit quidem nullum usquam edificare aut constituere monasterium, M. lib. 11. vel Oratorii domum, prater conscientiam civitatis Episcopi. Monachos vero per c. 8. &* capitulo- *unamquamque civitatem aut regionem subjectos esse Episcopo, & quietem diligere, & ann. 789.* Synod. *intentos esse tantummodo jejuno & orationi.... nec propria monasteria deferentes: & 802.* Epaun. *nisi forte his præcipiatur propter opus necessarium ab Episcopo civitatis.... Verumta-* capitulo- *men Episcopum civitatis convenit competentem monasteriorum providentiam gere-* ria Caroli. *re.... Clerici, qui præficiuntur ptochodochiis, vel qui ordinantur in monasteriis & Basi-* tradit. *licis Martyrum, sub Episcoporum, qui in unaquaque civitate sunt, secundum Patrum* M. lib. 11. *traditiones, potestate permaneant, nec per contumaciam ab Episcopo suo dissiliant.*

His ego verbum non addo. Martenus, ut jura Episcopalia labefactaret, duum generum instrumenta protulit. Eorum aliqua suæ integratitudine redditæ, & recte intellecta cum Marculfiana formula convenire, proinde a me facere, ostendi; alia dubia, interpolata, spuria, proinde nullius ponderis demonstravi esse. Plura, ut præstarem, præiens institutum non postulabat. Potuissent tamen facile præstari. Nam quam plura hanc in rem, quæ conciliorum, capitularium & veterum scriptorum lectio saepius repetita suffecit, seposita habeo: plura, si ad manus esset, sufficeret Thomassinus, quem eandem mecum tueri sententiam a Marteno non invitus intellexi. Tanti enim viri hac in re nomen adversariorum omnium, quippe quos partium studio laborare, proque sua domo scribere constat, auctoritatem inducit.